

Minangkabau - Alkitab - Healing Scriptures

Matius 4:23,24 Isa Almasih bakuliliang di kasadonyo nagari di Galilea, sarato ma aja di rumah-rumah ibadaik. Baliau mambaritokan Injil, sarato jo mangabakan, baraso Jehovah ka mamarentah sabagai Rajo. Urang-urang nan sakik, sarato jo urang-urang nan bacacaik, Baliau cegakkan. 24 Lah pacah kaba tantang Baliau di kasadonyo nagari di Siria, saingga sambuah urang nan bi tibo kabake Baliau. Urang-urang tu, bi mambawok-i urang nan bapanyakik sagalo rupo, sarato jo urang nan iduik sansaro. Urang-urang nan kamasuak-an roh jahek, sarato jo urang nan disawan, sarato jo urang nan lumpuah, kasadonyo tu dicegakkan dek Isa Almasih.

Matius 8:16,17 Kutiko ari lah muloi sanjo, urang bi mambawok-i urang-urang nan kamasuak-an roh jahek kabake Isa Almasih. Jo kato sapatah sajo, Baliau ma usie roh jahek tu, Baliau mancegakkan pulo kasadonyo urang nan sakik. 17 Dek sagalo sasuatu apo nan lah dipabuwek dek Isa Almasih, mako basuwoanlah apo nan lah dikatokan dek Nabi Yesaya, iyolah, "Inyolah nan ka manangguangkan sansaro kito, Inyolah nan ka mancegakkan panyakik kito."

Matius 9:35 Bakcando itulah Isa Almasih payi bakuliliang, dari kota nan iko, ka kota nan lain, dari kampuang nan iko, ka kampuang nan lain. Baliau ma aja di rumah-rumah ibadaik, Baliau mambaritokan Injil Karajaan Sarugo. Baliau mancegakkan urang-urang nan manangguangkan sagalo macam panyakik, sarato jo urang nan cacaik badan.

Matius 10:1 Pado suatu ari Isa Almasih manyuruah kaduwo baleh urang pangikuik-Nyo untuak bakumpua. Sudah tu Baliau mambarikan kuwaso kabake pangikuik-Nyo tu, untuak ma usie roh-roh jahek, mancegakkan sagalo macam panyakik, sarato mancegakkan sagalo macam cacaik badan. (Markus 3:14,15)

Matius 10:8 Cegakkanlah urang-urang nan sakik; iduikkanlah baliak urang nan lah mati; cegakkanlah urang-urang nan bapanyakik kulik nan manakuikkan, sarato usielah roh-roh jahek. Angku-angku lah di agiah perai jo kasadonyo tu. Mako agiahkan pulolah sacaro perai kabake urang nan lain.

Matius 11:5 Urang buto bisa maliyek, urang lumpuah dapek bajalan, urang bapanyakik kulik nan manakuikkan cegak; urang pakak bisa mandanga, urang mati bisa iduik baliak, sarato Injil nan dari Jehovah dibaritokan kabake urang-urang nan bansaik. (Yesaya 35:5)

Matius 12:15 Isa Almasih lah tawu, baraso urang-urang Farisi baniyaik jahek

ka Baliau. Dek karano itu, Baliau payi dari tampaik tu, sambuah urang nan payi manuruikkan. Mako Baliau cegakkanlah kasadonyo urang nan sakik.

Matius 15:30 Sambuah urang nan bi tibo kabake Baliau, nan mambawok-i urang-urang nan pincang, nan buto, nan lumpuah, nan bisu, sarato sambuah lai urang nan babagai-bagai panyakik. Urang-urang tu bi malatakkan urang nan sakik tu di adok-an Isa Almasih, sudah tu Baliau mancegakkannya.

Matius 17:20 Isa Almasih manjawab, "Dek karano angku-angku kurang picayo. Kana-ilah apo nan Ambo katokan ko! Jikok santano angku-angku layi ba iman agak sagadang bijo sasawi, mako angku-angku bisa mangecek kabake bukik ko, 'Pindahlah ka tampaik nan lain!' mako bukik ko pun pindah. Indak ciyek juwo doh nan indak bisa angku-angku karajokan!

Markus 1:34 Sambuah urang nan dicegakkan dek Isa Almasih, urang nan bi ma idokkan babagai-bagai panyakik, sambuah pulo roh-roh jahek nan Baliau usie. Baliau indak mambuliahkan roh-roh jahek tu mangecek, dek karano roh jahek tu tawu, siya Baliau nan sabananyo.

Markus 3:10 Sambuah urang nan lah Baliau cegakkan, sainggo sadonyo urang nan sakik tu basasak-sasak, ba usawo nak ka mandakek-i Isa Almasih supayo dapek ma awai Baliau.

Markus 6:5,6 Di tampaik tu indak ciyek juwo doh Baliau mampabuwek mukjizat, salain daripado mancegakkan babaropo urang nan sakik, Baliau malatakkan tangan-Nyo ka badan urang nan sakik tu. 6 Baliau eran, baa mangko urang-urang tu indak bi namuah picayo. Kudian Isa Almasih payi ka kampuang-kampuang nan ado di sakuliliang tu, sambia ma aja.

Markus 6:13 Pangikuik-pangikuik Baliau tu, sambuah ma usie roh-roh jahek, mambaruikkan minyak zaitun ka urang nan sakik, sarato jo mancegakkannya.

Markus 6:55,56 Mako bi balari-larilah urang-urang nan disinan tu, payi ma imbaukan kian kumari di kasadonyo daerah tu, inyo bi mambawok-i urang-urang nan sakik di ateh lapiak, kabake Isa Almasih. Jikok inyo mandanga baraso Baliau ado di satu tampaik, mako inyo mambawok-i pulo urang-urang nan sakik kasinan. 56 Dima sajo Isa Almasih barado -- biya di kampuang, biya di kota, atau pun di jorong -- kasinan pulolah urang bi tibo, untuak malatakkan urang-urangnya nan sakik di tanah lapang. Sudah tu inyo bi sabana mamintak kabake Isa Almasih, supayo urang-urang nan sakik tu dibuliahkan ma awai jubah Baliau, biya pun hanyo ujuangnya sajo. Kasadonyo urang sakik nan ma awai jubah Baliau, bi cegak panyakiknya.

Markus 8:23-25 Mako dipacikkanlah dek Isa Almasih, tangan urang nan buto tu, sambia mambimbiangnya bajalan kaluwa kota. Kudian Baliau maliyuai-

mato urang nan buto tu. Baliau malatakan tangan-Nyo di mato urang tu, sambia batanyo, "Baa, kiniko lah bisa angkau maliyek sasuatu?" 24 Urang tu maliyek arah ka muko, sudah tu inyo bakato, "Alah! Ambo lah manampak urang bajalan-jalan; tapi urang tu saroman batang kayu nampaknyo." 25 Isa Almasih malatakan tangan-Nyo sakali lai di mato urang tu. Nan kiniko, urang tu sabana-bana ba usawo supayo matonyo bisa untuak maliyek. Mako cegaklah matonyo, kiniko inyo lah bisa maliyek kasadonyo sacaro jaleh.

Markus 9:29 Baliau manjawab, "Roh jahek nan saroman itu, indak bisa doh di usie jo caro apo sajo, salain daripado jo badowa."

Markus 16:17,18 Sabagai tando di urang-urang nan picayo tu, inyo ka bi ma usie roh jahek ateh namo Ambo; inyo ka bakato-kato jo bahaso-bahaso nan indak inyo katawui. 18 Jikok inyo mamacikkan ula, atau pun inyo maminun racun, inyo indak kabaa-baa doh. Jikok inyo malatakan tangannya ka badan urang nan sakik, mako panyakik urang tu ka cegak."

Lukas 4:18 "Roh Tuhan ado didiri Ambo, dek karano Baliau lah ma angkek Ambo untuak ka mangabakan Kaba Baiak kabake urang nan bansaik. Baliau manyuruah Ambo untuak malewakan pambebasan kabake urang nan tatawan sarato mancegakkan urang nan buto; untuak malapehkan urang nan tasapik,

Lukas 4:40 Kutiko matoari lah tabanam, kasadonyo urang bi mambawok-i dunsanak-dunsanaknyo nan ma idokkan bamacam-macam panyakik, kabake Isa Almasih. Baliau malatakan tangan-Nyo ka satiyok urang nan sakik tu, untuak mancegakkannya.

Lukas 5:15 Tapi tantang diri Isa Almasih, lah pacah kaba kian kumari, saingga sambuah urang nan bi tibo, untuak mandangkan pangajaran dari Baliau, sarato untuak mintak dicegakkan dari panyakiknya surang-surang.

Lukas 5:17-25 Pado suatu ari, kutiko Isa Almasih sadang ma aja, ado babarapo urang Farisi sarato jo guru-guru agamo, sadang bi duduak disinan. Inyo bi datang dari Yerusalem, sarato jo dari kota-kota di Galilea jo Yudea. Kuwaso Tuhan ado didiri Isa Almasih untuak mancegakkan urang-urang nan sakik. 18 Dikutiko itu ado babarapo urang nan bi tibo, mambawok surang urang lumpuah nan lalok di ateh lapiak. Urang-urang tu lah ba usawo untuak mambawok urang nan lumpuah tu masuak ka dalam rumah, supayo dapek dilatakan di adok-an Isa Almasih. 19 Tapi dek karano urang nan sangaik rami, mako urang-urang tu indak dapek doh masuak mambawok urang nan lumpuah tu. Dek karano itu, inyo nayiakkanlah urang nan lumpuah tu ka ateh atok. Sudah tu inyo bukak atok, kudian diturunkanlah urang nan lumpuah tu jo lapiak ka dalam rumah, tapek di adok-an Isa Almasih nan duduak di tangah-tangah urang

nan banyak. 20 Kutiko Isa Almasih maliyek, dek takah itu bana imannya urang-urang tu, mako Baliau bakato kabake urang tu, "Oih sanak, doso angkau lah Ambo ampuni." 21 Guru-guru agamo sarato jo urang-urang Farisi tu bi mangecek sasamo inyo, "Siya Urang ko nan sabananyo, kok Inyo barani mahino Jehovah? Siya urang nan dapek ma ampuni doso, salain daripado Jehovah?" 22 Isa Almasih tawu apo nan dipakecekkан dek urang-urang tu. Dek karano itu Baliau bakato, "Baa mangko angku-angku kok bapandapek nan baitu di dalam ati angku surang-surang? 23 Nama nan labiah mudah? Untuak mangatokan, 'Doso angkau lah di ampuni', atau untuak mangatokan, 'Tagaklah, sudah tu bajalanlah!' 24 Kiniko Ambo ka mambuktikan kabake angku-angku, baraso di ateh dunia ko, Anak Manusia bakuwaso untuak ma ampuni doso." Sudah tu Isa Almasih bakato kabake urang nan lumpuan tu, "Tagaklah, angkekla tampaik lalok angkau, sudah tu pulanglah!" 25 Di adok-an kasadonyo urang nan banyak tu, urang nan lumpuan tu bagageh tagak, sudah tu inyo angkek tampaik laloknya, inyo taruih pulang sambia mamuji Jehovah.

Lukas 6:17-19 Kudian Isa Almasih turun dari bukit tu samo-samo jo rasul-rasul tu bagai, sudah tu inyo baranti, sarato tagak disuatu tampaik nan data. Disinan ado pulo sarombongan gadang pangikuik-pangikuik-Nyo nan lain, sambuah pulo urang nan bi tibo dari babagai-bagai kampuang, dari sadonyo nagari di Yudea, Yerusalem, sarato jo kota-kota di Tirus jo di Sidon nan di daerah pasisie. 18 Urang-urang tu bi tibo, untuak nak mandangkan pangajaran Isa Almasih, sarato nak mintak dicegakkan dari sakik panyakik. Urang-urang nan kamasuak-an roh jahek bi tibo pulo dicegakkan. 19 Kasadonyo urang bi ba usawo nak ka ma awai Isa Almasih, dek karano ado kuwaso nan kaluwa dari diri Baliau, nan dapek mancegakkan urang tu kasadonyo.

Lukas 7:21,22 Dikutiko itu, sambuah urang nan dicegakkan dek Isa Almasih, sambuah Baliau ma usie roh jahek, sarato sambuah pulo mato urang nan buto dicegakkan. 22 Dek karano itu Baliau manjawab, "Babaliaklah kabake Nabi Yahya, sudah tu curitokanlah apo nan lah angku-angku danga sarato apo nan lah angku-angku caliak: urang buto bisa maliyek, urang lumpuan bisa bajalan, urang nan bapanyakik kulik nan manakuikkan cegak, urang pakak bisa mandanga, urang mati bisa iduik baliak, sarato Kaba Baiak dari Jehovah ditaritokan kabake urang-urang nan bansaik.

Lukas 8:2 Baitu pulo babarapo urang padusi nan lah dicegakkan dari kamasuak-an roh jahek, sarato dicegakkan dari panyakik. Nan padusi-padusi tu iyolah Maryam nan biaso pulo di imbau si Magdalena (tujuah roh jahek nan lah dikaluwakan dari dirinyo);

Lukas 9:2 Kudian Baliau manyuruah pangikuik-Nyo tu payi mancegakkan

urang sakik, sarato malewakan barito tantang Injil Karajaan Jehovah.

Lukas 9:11 Tapi, kutiko urang nan banyak mangatawui baraso Isa Almasih lah payi, mako inyopun bi payi pulo manuruikkan Baliau. Baliau pun layi niyo manarimo kadatangannya, sudah tu Baliau mangecek kabake urang-urang tu tantang parkaro Karajaan Jehovah. Baliau pun mancegakkan pulo urang nan sakik di antaro urang nan banyak tu.

Lukas 13:12 Kutiko Isa Almasih manampak urang padusi nan sakik tu, Baliau ma imbau sarato bakato ka inyo, "Amai, panyakik amai cegaknya lai!"

Lukas 13:32 Baliau manjawab, "Payilah katokan kabake urang nan iduiknyo indak bapaidah tu, 'Ari ko jo ari bisuak, Ambo ka ma usie roh jahek sarato jo ka mancegakkan urang nan sakik, tapi di ari nan katigo, Ambo ka manyalasaikan sagalo karajo Ambo.'

Yahya 5:8,14 Mako bakatolah Isa Almasih kabake urang tu, "Jagolah, guluanglah lapiak katiduaran angku, sudah tu bajalanlah." 14 Indak lamo sasudah tu, Isa Almasih basuwo jo urang tu di dalam Rumah Tuhan, Baliau bakato kabake urang tu, "Kiniko angku lah cegak. Jan mampabuwek doso juwo lai, supayo jan tibo pulo masalah nan labiah buruak."

Yahya 14:12 Nan sabananyolah nan Ambo katokan ko: Urang nan layi picayo kabake Ambo, mako inyo ka bisa pulo mangarajokan, apo nan lah Ambo karajokan, -- malahan inyo ka bisa mangarajokan nan labiah gadang lai -- dek karano Ambo payi kapado Bapak.

Rasul 3:6 Mako bakatolah si Petrus kabake inyo, "Ambo sadang indak bapitih. Tapi, apo nan ado di ambo, itu nan ka ambo agiahkan kabake angkau: Jo kuwaso Isa Almasih urang Nazaret tu, bajalanlah!"

Rasul 5:15,16 Malah ka adaannya sampai bakcando iko; urang-urang nan sakik dilatakan di ateh tampaik tidua, atau di ateh lapiak, sudah tu dibawok ka tapi labuah, supayo urang-urang nan sakik tu, sapaliang-paliang tidak, dapek kanai bayang-bayang si Petrus, jikok inyo lalu disinan. 16 Bi babondong-bondonglah urang nan bi tibo dari kota-kota nan di sakuliliang Yerusalem. Inyo bi mambawok-i urang-urang nan sakik, sarato jo urang-urang nan kamasuak-an roh jahek. Urang-urang tu dicegakkan kasadonyo.

Rasul 10:38 Angku-angku tawu, baraso Jehovah lah mamiliah Isa Almasih urang Nazaret tu, Baliau lah dibari Roh Jehovah, sarato lah di agiah kuwaso. Angku-angku tawu pulo, baraso Baliau tu payi kian kumari untuak babuwек baiak; Baliau mancegakkan kasadonyo urang nan dikuwasoi Ubilih, dek karano Jehovah tatap manyaratoi Baliau.

Rasul 19:11,12 Jehovah mampabuwek mukjizat-mukjizat nan luwa biaso malalui si Paulus. 12 Jikok salabeta, atau kain ikek pinggang nan lah panah dipakai dek si Paulus, dirawokkan ka badan urang-urang nan sakik,

mako cegaklah panyakik urang tu, sarato kaluwalah roh setan dari diri urang-urang tu.

Roma 8:26 Baitu pulo Roh Jehovah tibo manolong kito, jikok kito lamah. Dek karano kito indak tawu doh, baa samustinyo caro kito badowa; Roh tu sandirilah nan mangadap kapado Jehovah, jo raso nan sangaik taragak,untuak mamohon bagi kito, sainggo indak dapek lai dikatokan.

1 Korintus 12:9 Roh nan Ciye k tu juwo, mambarikan kabake urang nan surang lai, kalabiahan nan luwa biaso untuak ba iman kapado Isa Almasih; sadangkan kabake nan lain Roh tu mambarikan kuwaso, untuak mancegakkan urang.

1 Korintus 12:28 Baitu pulo di dalam jamaat, Jehovah lah nan manampaikkan satiyok-tiyok urang di tampaiknya: Nan partamu rasul-rasul; nan kaduwo nabi-nabi, nan katigo guru-guru, sudah tu, ado pulo urang-urang nan dibari kuwaso untuak mampabuwek mukjizat, kudian ado pulo urang-urang nan dibari kalabiahan, sainggo inyo punyo kuwaso untuak mancegakkan urang, ado pulo nan dibari kalabiahan untuak suko manolong urang, kok indak untuak mamimpin, kok indak untuak mangecek jo babagai-bagai bahaso nan ganjie.

Filipi 2:27 Iyo, batua inyo sakik, lah ambia indak ka basuwo jo awak lai. Tapi Jehovah ibo kabake inyo; indak hanyo kabake inyo sajo, tapi kabake ambo iyo pulo, supayo ati ambo jan batambah ibo.

Yakobus 5:14 Jikok ado nan sakik, andaklah inyo ma imbau pamimpin-pamimpin jamaat. Mako andaklah pamimpin-pamimpin tu mandowakan urang nan sakik tu, sarato mambaruik-inyo jo minyak ateh namo Tuhan.

1 Peter 2:24 Isa Almasih sandiri mamikua doso-doso kito ka diri-Nyo di ateh kayu salib, supayo kito lapeh dari kakuasaan doso, sarato iduik manuruuk kamauan Jehovah. Luko-luko Isa Almasihlah nan mancegakkan angku-angku. (Yesaya 53:5)

3 Yahya 1:2 badowa mudah-mudahan angkau siyaik-siyaik, sarato kasadonyo baiak jo angkau, samo jo bakcando jiwa angkau baiak-baiak pulo andaknya.

Exodus 15:26; Deuteronomy 7:15 not get diseases of Egypt.

Yesaya 58:8 God heal speedy.

Yeremia 30:17; Jeremiah 33:6 Jehovah heals